

LA QUOTIDIANA

FMR Fundaziun Medias Rumantschas, Via da Masans 2, 7000 Cuira, 081 544 89 11, redacziun@fmr.ch



Currer en la citad da Glion

Ilis organisatur da l'emprima concurrenza da currer en la citad da Glion èn cuntents cun las annunziats. **Pagina 5**



Da chauras brinas, alvas e grischas

A l'exposiziun da chauras a Savognin èn vegnidas preschentadas chauras da tut las sortis. **Pagina 8**

FMR FONDAZIUN MEDIAS RUMANTSCHAS



SURSELVA

Dallas damas che van a cura



Durant in'emprova dil chor da dunnas a Cuera. FOTO AUGUSTIN BEELI

Il chor da dunnas Damenchor Chursüd seprepara quest'jamna intensivamein per siu program niev. Sut la direenziun da Remo Arpagaus presenta el la fin d'jamna in concert scenic cul tetel «Kurschatten». Aposta per quei project han las dunnas cusiu sezzas ils vestgius el stil dalla Belle Epoque. La premiera dil teater musical per tuts sens ei ella sala dil Marsöl a Cuera. Silsunter van las damas da Chursüd a cura, ella sala dil Kurhaus a Bravuogn. (fmr/abc) **Pagina 5**

SURSELVA

Ina cumissiun per la Val da Schluain

Gia dapi che la vischnanca da Schluain exista, eis ella confruntada cuntinuadamein cul prighel dalla Val da Schluain. Adina puspei han bovas alarmau la populaziun. Suenter quella da 1967 han ins entschiet a construir in sistem da siaras. Varga 50 onns pli tard sto la vischnanca sanar quella, pergei la gronda part dallas 80 siaras e rempars ein defects. Co ins duei garantir el futur la segirtad da populaziun, vitg ed infrastruttura, ha il project da proteenziun d'aua gronda vulliu mussar. Dacuort ha la suprazonza communal da Schluain presentau il project alla radunonza communal. Quella ha denton aunc resalvas pils plans da baghegiar. La consequenza ei che la suprazonza installescha ina cumissiun nova en caussa. (fmr/abc) **Pagina 4**

ENGIADINA

Plü quiet – ma listess bler travasch

La populaziun da Sta. Maria ha avant trais ons ramassà suottascripziuns per ameglrdar la situaziun da trafic in cumün. Davo divers sclerimaints per incumbenza dal Cumün da Val Müstair es lura l'on passà gnüda introduitta üna zona da tempo 30 in tuot la fracziun al pè dal Pass dal l'Umbrail. Tenor il Cumün da Val Müstair s'ha la situaziun per las abitantas e'ls abitants ameglradra, pustüt a regard la canera e la sgürezza pels peduns: «Impustüt ils töffist d'ürant la stà han uossa da passar tras cumün in üna marcha plü bassa, quai as bada magari a man da plü paca canera.» Il problem sco tal – l'intensità da trafic da tansit d'ürant la stà – nun es però scholt cun quista zona 30. Tenor üna proposta da duos cumischuns federelas, nu dess il problem dal trafic a Sta. Maria gnir scholt cun ün sviamaint, dimpersè cun ün signal da glüm. Quai nun es pel cumün ün-güna alternativa e nu gniss tenor la presidenta cumünala neir na da bun als indigens. (fmr/cam) **Pagina 7**

Bandunar lur dachasa

Il vitg da Brinzauls en Val Alvra sto vegnir evacuà. Quai ha decis mardi a mezdi il stab directiv communal. Var 60 abitants ed abitants han da chattar enfin venderdi saira in tuttretg en in auter lieu.

DAVID TRUTTMANN/FMR

Er sch'il mument era atgnamain previsibel – quest'emna èsi tuttina i pli spert che spetgà da tuttas varts. Il vitg da Brinzauls en Val Alvra vegn evacuà. Memia spert sa mova il sbuvaditsch sur il vitg, memia gronda è la bova che smanascha e memia privlusa è la situaziun per chasas e glicud da Brinzauls.

Sin basa da tuttas observaziuns ha il stab directiv communal decis mardi l'evacuaziun cumpleta. Tenor la comunicaziun da la vischnanca Albula/Alvra han las abitantas ed

ils abitants da bandunar lur dachasa enfin venderdi saira a las 18.00. Gia direct, per mardi saira, ha la vischnanca ultra da quai clamà ad in'infurmaziun en la scola a Casti.

Dus milliuns meters cubics

Dapi onns vegn il sbuvaditsch sur Brinzauls – cun il toponim «Igl Rutsch» – observà cun gronda atenziun dad autoritads e geologs/as. Bleras interenziuns e mesiras da proteenziun èn vegnidas realisadas en il decurs dals 4–5 onns, sco p.ex. rempars, sviadas d'aua u gallarias da drenascha.

Dapi quest onn 2023 è dentant ina secziun amez il sbuvaditsch, ina part cun il num «Insel», sa muventada adina pli svelta. Var dus milliuns meters cubics smanaschan da vegnir aval, quai che correspunda a dus terz da la bova dal Piz Cengalo en Val Bregaglia.

L'evacuaziun da la populaziun da Brinzauls furma ussa la fasa «oranscha» en il dispositiv d'alarm da la vischnanca Albula/Alvra. La fasa «cotschna» fiss in scumond da transir il territoriu periclità e tar la fasa «blau» fissi da quintar minga mument cun la bova.

Pagina 3



FOTO KEYSTONE/GBAN L'HEINZLELLER

«Il crie e dus cavals peisan per dabia buca ton sco in tractur ed ei fa perquei era buca donns sils praus.»

Il pur tuatschin Edi Hess ara cun pershuasiun a la moda veglia. – Pagina 4



30019

Servetsch d'abunents e da distribuziun: tel. 0844 226 226 mail: abo@somedia.ch

9 771424 749004